

begheerten ende sunden moet gherey-
nighet worden ende ouermids dat te-
ken des hillighen my in mijnen leste
wil bekennen onder dijne kindere op
dat ick onder dat ghetil dijner wtuer-
coernen moet gheuonden worde *Ame.*

O Bedruete *Gen gebz toe marien*
moeder ick in doer den groten
rouwen die ghi in in herte droeghen
doe ghi in uwen lieuen soene doet ontfen-
ghen in uwen schoet ende segghen he-
alsoe iamerlick gheslagghen bebloet
ende martelijt *Laet* doch ene van in hie-
te tranen vallen op mijn colde herte
op dattet medelidende worde in die ge-
dachtenisse sijner wonden **O** ellendi-
ghe moeder wilt doch in diepe suchte
ende in moederlike rouwe in mij her-
te drucken en in mijn siele op dat ick
deelachtich moeghe worden alder ghe-
naden ende aflaten die daer ghegeue
sint ouermids dat bitter lijden ons